

Kalaallit Nunaat Naalagaaffiit Peqatigiivisa inuit innarluutillit pillugit isumaqatigiissutaannut ilaalernikuuvoq

Isumaqatigiissutit siunertaraa inuit innarluutillit tamarmik, allat assigalugit inuit pisinnaatitaaffiit tunngaviumillu kiffaanngisuseqarnissamut pisinnaatitaaffinnik tamarnik atuisinnaanerisa siuarsarneqarlutillu illersorneqarnissaat periarfissaasalu qulakkeerneqarnissaat, kiisalu pissusissamisoortumik ataqinassuseqarnerisa siuarsarneqarnissaat. Inunnut innarluutilinnut ilaapput inuit sivisuumik timikkut, tarnikkut, silassorissutsimikkut imaluunniit maluginiutikkut piginnaasakillissimasut, akimmiffiusinnaasut allat sunneeqataanerisigut inuit allat naligalugit inuiaqatigiinni tamakkiisumik sunniuteqarlumillu peqataasinnaanernik akornuserneqarsimasinnaasut.

Inuit innarluutillit pisinnaatitaaffii pillugit Naalagaaffiit Peqatigiit isumaqatigiissutaanni artikeli 1-imit

Isumaqatigiissutit nunatsinni maleruarneqarnissaa Pissassarfiup peqataaffigissavaa.

Pissassarfiup aammattaaq aallaavigivaa ICF, tassaasoq nunat assigiinngitsut akornanni maleruagassiaq, inummut tamarmut sammisoq, timi, sammisaqarnissaq peqataanissarlukkat aralugit.

- Pissassarfimmi
immikkut
ilisimasallit
suleqatigiipput

Pissassarfimmi
ikiorumavatsigit
-tamavippit



Pissassarfik

+299 34 50 70
pissassarfik@nanoq.gl
Nalunnguarmut 4
Postbox 477
3911 Sisimiut
Pissassarfik



pissassarfik.gl
GLN nr.: 5790001954291



Nuna Tamakkerlugu Innarluutilinnut Sullissivik



Sisimiut

Pissassarfik
www.pissassarfik.gl

Pissassarfik pillugu

Pissassarfimmi neqeroorutit innuttaasunut innarluutilinnut qassinilluunniit ukiulinnut, innarluutillit qanigisaannut taassumalu iluani sullissisunut neqeroorutaapput.

Pissasarfiup neqeroorutigivaa innuttaasut ataa-siakkaat toraarlugit angusassamik piginnaanngorsaaqqinneq aamma piginnaanngorsaaneq, sulianut tunngasunut siunnersuilluni ilitersuineq, siunnersuineq, sukumiisumik erseqqissaaneq, ilinniartitsineq, pikkorissarnerit aamma timikkut ilisarsisinnaassutsikkullu piginnaasat annikillisi-masut pillugit sungiusaaneq.

Tamatumuuna suliat akimorlugit ataatsimoor-tumillu isiginneriaaseqarluni sullissinissat, ili-simasanik inerisaaneq aamma ilisimasanik avit-seqatigiinnissat periarfissaapput.

Pissassarneq

Innuttaasoq sullissivik.gl aqqutigalugu imaluun-niit kommunimi sullissivimmi immersugassamik immersuilluni pissassariarnissamut qinnuteqar-sinnaavoq.

Innuttaasoq Pissassariarnissamut Pissassarfimmit akuerisaappat, kommuni aamma innuttaasoq suleqatigalugit Pissassarfimmi sulisut pissassartitsinissaq innuttaasumut naleqqussagaq aaqqissuutissavaat.

Pissassarneq soorlu makkunannga imaqarsinnaavoq:

- Qulaajaaneq
- Paasiniaaneq
- Ilitersuineq
- Ilisimasanik avitsineq
- Timikkut sungiusaaneq
- Paasinnittaatsikkut/eqqarsartaatsikkut sungiusarneq
- Ikiuutinik misileraaneq
- Killiffik aallaavigalugu oqaloqatigiinneq

Innuttaasoq pisariaqartitsinermi ingiallorteqar-sinnaavoq, tapersersortimik imaluunniit ingial-lortimik. Pissassarneq sapaatip akunnerini mar-lunni sivilissusilimmik ingerlanneqartarpoq. Pissassareernerup kingorna ullut 14-init qaangiusimalernerani pissassarfimmi passussisut pissassarsimasup qanoq ingerlanerani paasi-niaallutik oqarasuaat aqqutigalugu malitseqar-titsillutik attaveqartarput. Pissassarnerup naammassinerata kingorna sapaatip akunneri tallimat qaangiunnerini inaarutaasumik nalu-naarusiaq kommunimut nassiunneqartarpoq.

Pikkorissaanerit

Pissassarfik innuttaasunut innarluutilinnut sul-lissisunut kommunip ataani atorfeqartunut ilinniagaqarsimanngitsunut siunnerfeqarneru-sumik pikkorissaanerit neqerooruteqartarpoq:

- Innarluutit pillugit suliamut atatillugu tigussaasuti-gullu ilisimasat annertusarnissaat
- Misilittakkanik ilisimasanillu paarlaasseqatigiinnissamut periarfissiinissaq
- Sulisunik piginnaanngorsaanerit

Angalasartut

Pissassarfiup angalasartuisa nunatsinni sumiiffiit assigiinngitsut ukiumut marloriarlutik tikittarpaat.

Angalasartut siunertarisaat ukuupput:

- Siusinnerusukkut pissassariarnissamut malitseqartitsineq
- Workshopertitsineq (assersuutigalugit ADHD aamma autisme pillugit)
- Suliassaqarfinnut attuumassuteqartut suliffeqarfiillu pulaarneri, ilitersuinermit siunnersuinermillu siunerta-qartumik; assersuutigalugu atuarfeqarfiit, najugaqarfiit, paaqqinnittarfiillu
- Innuttaasut innarluutillit imaluunniit piginnaanngorsaaq-qiinnermit pisariartitsisut naapinneri naatsumik ilitersuif-figalugit aamma siunnersorlugit kiisalu pissassariarnissa-mut piukkunnaateqarnerinik nalilersuineq
- Sullissisunik naapitsineq

Kommunip kissaatai malillugit Pissassarfiup angalasartui kommuni suleqatigalugu sullissinissamik aaqqissuisinnaapput.

Siunnersuineq

Pissassarfik innarluutilinnut tunngasut pillugit innut-taasunut, qanigisaasunut sullissisunullu siunnersui-sarpoq. Siunnersuineq ingerlanneqartarpoq video, maili, oqarasuaat aqqutigalugit, imaluunniit ornigul-luni saaffiginninnikkut.

Pissassarfimmi atorfillit sulianut tunngatillugu sullissisinnaanngillat (sagsbehandling) ikiorssiisutit pillugit aalajangiisinnaatitaanngillat imaluunniit atorutunik ikuutinik tunniussisinnaatitaanngillat.